

灌頂寂慧當知得陀羅尼菩薩尚獲如是無量功德若復如來神力加持諸有事業比得陀羅尼菩薩功德經百千歲稱讚譬喻而不能盡

尔時寂慧菩薩白賢王天子言仁者汝今快得善利能善稱讚如來無量無邊功德時賢

王天子白寂慧菩薩言善男子勝義諦中無有少法可得稱讚何以故法無有相非形顯色是故功德不可稱讚得其邊際若形顯色中決定有相者即可以言詞宣說稱讚

佛說如來不思議秘密大乘經卷第十九

佛說如來不思議秘密大乘經卷第二十

譯經藏朝散大夫試光祿卿光祿大師賜紫沙門目隄淨等奉詔譯

總持功德讚說譬喻無盡品第二十四之二
尔時賢王天子白佛言世尊一切法無攝受無我無取無續無斷然以方便隨宜所作諸勤行者以正方便現前得法世尊譬如大水

俊十

一

積於地下須假人力勤行施作或開以坑或鑿以井由勤力故方獲其水若無坑井水乃何得勤行方便之者亦復如是以勤力故於一切處勝智通達若無勤力智從何得是故求菩提者常勤方便發起精進即能現前獲得聖法又如世間生盲之人所生色象而不能見衆生煩惱暗蔽亦然於所生法而不能見又如世間有目之人於黑暗中若無明炬即不能見一切色象修天眼者亦復如是若無善知識說法教導不能於法而生信解又如已具淨天眼者不假世間光明所照菩薩亦復如是所作已辦者不假他人而為教導

又如世人處胎藏者都無所見亦復不見有所增長發起精進菩薩亦復如是雖修佛法亦不見菩提有所增長又如大雪山王所有諸樹依之而生諸樹必無中有破壞及彼焦枯菩薩亦復如是勤行方便修諸正法依智所生亦不於中破壞減失又如轉輪聖王出

於世間七寶隨出所謂輪寶象寶馬寶珠寶
女寶主藏神寶主兵神寶等菩薩亦復如是
若發菩提心七寶亦隨出所謂布施持戒忍
辱精進禪定勝慧方便等又如轉輪聖王統
行四大洲界於諸衆生平等愛念而無異想
菩薩亦復如是以四攝法普攝衆生而無異

想四攝所謂布施愛語利行同事又如轉輪
聖王行王法化一切悉無鬪戰爭訟菩薩亦
復如是安居說法悉無一切邪外戰訟又如
三千大千世界最初成立大須彌山及彼大
海菩薩亦復如是初發菩提心先以深固大
悲建立又如世間日光出時先照高山菩薩

亦復如是最初發起大智光明令諸衆生發
起善根得智光照又如大地受諸種子而彼
一切草木叢林依地而生平等滋長得陀羅
尼菩薩亦復如是以無著心於一切衆生平
等與法而無棄捨

尔時世尊讚賢王天子言善哉善哉天子汝

後十

二

今善能譬喻宣說諸菩薩法天子當知假使
一切草木叢林名相等聚法聚聲聚及形色
聚徧入一切衆生心行普以一切名相分別
一切衆生周徧伺察乃至衆生飲食受用悉
爲譬喻稱揚讚說彼得陀羅尼菩薩所有功
德而不能盡天子彼得陀羅尼菩薩者諸有

所說無有少法非佛語者又復一切色相光
明聲香味觸法光明無不現前所得辯才不
隨他聞而有繫屬不觀他相而有所說於一
切處隨其所向通達無盡亦復無邊不以威
力徧入一切身無麤重心無所緣能於百千
諸佛現前說法無染無著而是菩薩以彼諸

佛威神建立故得陀羅尼智慧辯才有所說
法無染無著亦無退轉天子當知菩薩有三
無著之法何等爲三一者我無著二者衆生
無著三者法無著有三種通達清淨何等爲
三一者法界清淨二者真如清淨三者實際
清淨又有三種通達無盡何等爲三一者法

無盡二者文字無盡三者演說無盡又有三種獲得通達加持之力何等為三一者辯才加持二者法義加持三者入法加持又有三種成就歡喜何等為三一者慧歡喜二者智歡喜三者斷疑歡喜又有三種速疾之法何等為三一者念速疾二者慧速疾三者行速疾

當佛說持功德讚說譬喻無盡法時會中八百菩薩得入陀羅尼門

囑累正法品第二十五

尔時金剛手菩薩大秘密主白佛言惟願世尊神力加持令此正法於後時後分後五百歲闍浮提中廣宣流布佛言秘密主我有密

護正法秘密大明章句汝能記念不是章句者我昔曾於寶月如來所親所聽聞金剛手菩薩白佛言世尊我亦記念佛言秘密主汝今宜應為此衆會密護正法令久住世當說往昔大明章句
尔時金剛手菩薩大秘密主合掌頂禮十方

一切諸佛即說大明日

怛𡵓下同怛𡵓下同怛𡵓下同惹野二惹野末帝三惹野設觀引二阿梨五阿末梨六阿盧力帝七末彌那末末散提八烏諦九烏怛末帝十烏怛囉尼十一阿哩十二阿囉摩尼十三阿哩怛摩尼叶阿牟引梨牟羅引嚩室帝引牟邏

引努誡帝廿阿室廿末室廿末室帝廿阿引尼引摩引尼引摩引尼帝引三拈嚩引干拈嚩散提引干達哩摩引干努誡帝引六二十達哩摩合引二鉢囉合引二尾引尸尸引八薩哩引九薩囉引九薩哩引三阿毗彌引三毗那散提引三伊引四三引三伊喝你引四十伊那努

誡彌引五三你誡囉引合四摩引囉引被引六三你哩伽引合怛你底引哩他也引三合喃引七三末那引訖梨引合舍引喃引三引九烏入嚩引合二引羅那引達哩摩引合你引底哩引合被引十四阿引摩囉引角義引達引哩摩引合葛體迦引喃引四

十阿引尾設那引你哩罽合二引拏寫二四十鉢
囉合二誡囉合二呼引冒引提鉢哩左引哩迦引
喃引三鉢哩三塞佗合二引鉢那引鉢哩沙合二
那引四迦引夜引努鉢囉合二那引喃五十達
哩摩合二設囉合二罽尼迦引喃引六三滿接引
喝囉但鏝四二合薩藐誡多引喃引八阿罽路

引葛喃四十薩藐葛鉢囉合三帝鉢那喃引五
阿引穆契引婆引罽但鏝五二合滿但囉合二鉢
那引你摩引鉢囉合二拏閃都引五滿但囉合二
散提囉引吟引那烏那引喝蘭拏五十倪也
合二引那阿芻引拏多引五阿那罽蜜哩合二靴
多引祢引舍那引莎婆引罽但鏝合二引五

金剛手菩薩大祕密主說是祕密大明章句
已時此三千大千世界皆悉振動即此三千
大千世界一切魔衆各與眷屬同時來詣佛
世尊所曲躬合掌俱白佛言世尊若諸法師
能從口門出是大明章句者我等諸魔皆往
承事恭敬令此大明最勝威力一切天人不

能破壞我等常當密作護衛無令一切伺得
其便

今時世尊普徧觀察諸衆會已即說祕密大

明章句曰

惹度訥哩惹合二曳引一惹野末帝二設彌三設

靚嚕合二引你哩伽合二引但引四阿引五梨五

牟引羅鉢哩親你六摩引囉塞引靴身尾但

囉合二引薩你七穆吉底八二合穆吉多合二罽帝

九戍引提十阿毗祢十一婆野牟引左你十二婆

引嚕引喝尼十三難帝尾捺曳十四引尾靴鉢

囉引訖囉合二牟引五十

即說伽陀曰

後十

五

律德

正法攝伏於佗語 以正法語善攝受

以法寶藏常護持 如來所說大明句

復說大明曰

阿彌句末彌二末末親祢三阿哩體引二哈阿

哩佗合二你薩多引三合囉尼五

此是呼召四大天王大明章句

復說大明曰

提引哩句提引囉嚩帝二虞引鉢帝引三合戌

引毗喇戌引婆嚩帝引設彌六

此是呼召帝釋天主大明章句

具慈善順大忍力 為悲愍故說大明

喜捨二法悉具圓 梵王帝釋咸呼召

復說大明曰

阿囉尼引囉囉尼二珂溪三阿牟引梨四牟

引羅輸引馱你引五

此是攝伏諸魔大明章句

說伽佉曰

今此秘密大明句 振動降伏一切魔

人中聖主力加持 善說斯經廣流演

如來所說此正法 當知於後末世時

宣說明句密加持 振復還復於今日

時諸魔眾咸來集會說伽陀曰

諸說法師大智者 我等諸魔當密護

令於最後末世時 得此正法墮於手

尔時世尊告金剛手菩薩大秘密主言汝應當知今此正法如來威神已加持故無人能於此正法中有所動轉何以故我念往昔過去世中有佛出世號寶月如來應供正等正覺明行足善逝世間解無上士調御丈夫天人師佛世尊世界各無毀劫亦名無毀彼佛

法中有二法師有大威德名稱力勢一名慧上二名諦授彼二法師於寶月如來所聽聞受持此大明章句滿足半劫隨彼如來轉正法輪彼時所有三千大千世界百俱胝魔眾皆令成熟菩提聖法寂慧菩薩前白佛言世尊彼寶月如來為現住說法為已涅槃邪佛

後十

六

徐德如

言寂慧東方去此百萬俱胝佛刹有佛國土其名無毀佛號寶月現住說法彼佛壽量十千劫數其佛刹中有諸魔眾很惡難調彼佛宣說大明章句而悉調伏得調伏已皆於菩提聖法成熟圓滿秘密主汝今當知我亦曾於寶月如來法中淨修梵行成就菩提聖法

彼時慧上法師者即我身是彼時諦授法師者即金剛手菩薩是寂慧當知我於彼時與金剛手菩薩同勤精進心不放逸於彼佛世尊所尊重恭敬廣多供養聽受彼佛宣說秘密大明章句降伏諸魔攝護正法
爾時世尊普徧觀察諸眾會已普告眾言汝

諸仁者誰當堪任於佛如來入涅槃後以我阿僧祇劫積集菩提勝行最上正法受持護護不令隱沒爾時會中有一萬二千菩薩為護法從座而起合掌頂禮向佛世尊說伽陀
若人捐棄於身命 所捨不求諸果報
但為受持佛所宣 最上清淨正法故

復有賢王等五千天子合掌頂禮前白佛言
世尊我等咸願受持如來菩提聖法時諸天子說伽陀曰

普為一切眾生故 發起堅固大悲心
我當受持此法門 最上甚深佛所說
爾時帝釋天主尸棄梵王毗沙門天王說伽

七

陀曰

今此正法如妙藥 能治一切眾生病
我等當來悉護持 願佛知我眾心意
爾時金剛手菩薩大秘密主前白佛言世尊我當受持如來於阿僧祇劫積集無上正等正覺菩提聖法即說伽陀曰

諸法本來無文字 無中假以文字說
聖尊悲愍故敷宣 我當受持而流演

爾時世尊告尸棄梵王言梵王當知菩薩有三種最上供養承事如來以其最上承事供養故獲福無量何等為三一者發起阿耨多羅三藐三菩提心二者住持諸佛正法三者隨所聞法如實修行大梵如是三種最上供養如來若住一劫乃至劫盡或復壽命無量此供養事所獲福報廣說不能得其邊際所以者何若欲最上供養諸如來者應當修此三種最上廣大清淨法之供養
復次大梵若有人於如來所說正法之中而

能受持一四句偈者是即護持過去未來現在諸佛世尊菩提聖法何以故諸佛菩提從法出生是故法之供養超出世間財供養事法供養者諸供養中勝中最勝最上第一大梵我念過去光明王族中有一太子名曰具慧忽時一夜於其夢中親所聽聞說二伽陀

聞已記念覺乃惟忖我今得大寶藏即時忽然高振其聲作如是言我今得大寶藏時王及后子問其故太子即時具陳上事乃為父母說是二伽陀曰

世間財寶聚還散 王官水火賊盜分
諸佛多聞妙法財 多俱胎劫不壞失

常無放逸甘露法 利衆生發菩提心
深固寂靜心亦然 諸樂根本無所取
大梵彼時太子為其父母說夢中所聞二伽陀時彼有八千人成熟菩提善根四萬二千衆生悉得生天以是緣故所有多聞清淨法財應當精勤依法修行修正法故即能如應

後十

八

為他攝受

復次大梵有二種法而能多作何等為二者於諸衆生不與損害二者勤求多聞而無厭足若有能行此二法者於正法眼而不斷滅大梵汝於賢劫諸如來所勸請說法善護正法而彼賢劫諸佛如來若諸清淨衆生方

得值遇出世是故汝今勿應厭捨何以故大梵濁惡時中若能於一晝夜受持正法者獲福多於百千劫中清淨佛刹持正法者是故大梵汝應發起廣大精進於此濁惡時中堅固護持如來正法

余時世尊告尊者阿難言汝今宜應於此所說如來秘密金剛手品部惹囉陀羅尼門堅固受持於後末世為他廣說我今以是正法付囑於汝汝於末世時中所有具彼劣信解者不應為說此正法門使彼癡迷何以故於此正法固徹源底故若有於正法中得自在者已善成辦諸勝事業是法器者應當為說

此正法門彼得聞已不生驚怖何以故正法
出生故

尔時尊者阿難前白佛言世尊我今以佛威
神力故受持此法隨其力能流布宣演

佛言阿難汝今見此金剛手菩薩大士於佛
正法勤力護持不阿難白佛言唯然已見佛

後十

九末

後十

言阿難汝今亦然於此正法隨宜攝受堅固
護持如應宣說阿難白佛言此經何名我等
云何受持佛言阿難是經名曰金剛手品亦
名宣說如來秘密亦名不思議佛法亦名無
量福聚如是名字汝當受持

復次阿難汝今當知若有住菩薩乘人佛眼

所觀者能以衆寶廣大充滿諸佛刹中乃至
從地積于有頂廣行布施而不望報若復有
人不以財利之心如善所作爲陀演說此正
法者福多於彼此說是名如來秘密無量福聚
當佛說此屬累正法品時會中有千俱胝人
發阿耨多羅三藐三菩提心九萬六千菩薩

獲得忍法八萬四千人得法眼淨千六百苾
芻得心解脫千六百苾芻尼亦得心解脫十
方無量諸佛刹土皆悉振動百千天人於虛
空中鼓奏天樂雨衆妙花伸供養已成作是
言願此正法久住世間於閻浮提廣宣流布
佛說此經已金剛手菩薩大秘密主及寂慧
等諸菩薩衆賢王等諸天子衆阿闍世王等
諸大國王并餘菩薩及阿難等諸大聲聞乃
至一切世間天人阿脩羅乾闥婆等聞佛所
說皆大歡喜信受奉行

佛說如來不思議秘密大乘經卷第二十後十